

宋六十名家詞

汲古閣繡鐫

初寮詞

初寮詞

目錄

虞美人

四調

浣溪沙

二調

玉樓春

二調

綠頭鴨

一調

哨遍

一調

菩薩蠻

一調

御街行

一調

鷓鴣天

一調

蝶戀花

一調

一落索

三調

玉蝴蝶

一調

水龍吟

一調

臨江仙

二調

小重山

三調

江神子

一調

徵招調中腔

一調

清平樂

三調

安陽好

九調

卜算子

二調

生查子

一調

洞仙歌

一調

初寮詞目錄

終

初寮詞

宋 王安中

虞美人

雁門作

千山青比粧眉淺
却奈眉峯遠
玉人元自不禁秋
更算惱伊深處月當樓
分攜不見憑闌際
只料無紅淚
萬千應在錦回紋
囑付斷鴻西去問行雲

又

星郎才思生瑠管四海聲名滿尊前新唱更新
妍況有玉人相勸揅酡顏 芙蓉幕下同時客
年少邨重得且尋幽夢賦高唐莫爲浮名容易
却相妨

又

贈李士美

清商初入昭華瑄宮葉秋聲滿草麻初罷月嬋
娟想見明朝喜色動天顏 持盃滿勸龍頭客
榮遇時方得詞源三峽瀉瞿塘便是醉中宣去

也無妨

又

和趙承之送權朝美按伴

文昌郎自文無比風露行千里試尋天上使星
看却見錦衣白晝過鄉關邊城落照孤鴻外
聯壁人相對應吟紅葉送清秋向我舊題詩處
更重遊

浣溪沙

看雪作

慵整金釵縮指尖曉雲猶自入疎簾綠窗清冷

臉紅添妬粉儘饒花六六迴風從鬪玉纖纖
不成香暎也相兼

又

柳州作

宮纈慳裁翡翠輕文犀鬆串水晶明颭風新樣
稱娉婷帶笑緩搖春筓細障羞斜映遠山橫
玉肌無汗暗香清

玉樓春

秋鴻只向秦箏住終寄青樓書不去手因春夢

有攜時眼到花開無著處
泥金小字蠻牋句

淚溼殘粧今在否
欲尋巫峽舊時雲
問取陽關

西去路

花菴詞
選稍異

又

送耿太
尉赴關

堯天雨露承新詔
珂馬風生趨急召
玉符曾將
虎牙軍金殿還陞龍尾道
征西鎮北功成早

伏鉞登壇今未老
樽前休更說燕然
且聽陽關

三疊了

綠頭鴨

大名嶽
宮作

魏都雄鳳皇飛觀雲間佩麟符荀池元老暫醉
西省仙班憩甘棠池澄遠籟詠華黍河卷驚瀾
碧草淒迷丹毫冷落園扉鈴索鎮長閑繡筵展
三台星近鏘玉韵珊珊金尊灑新醅方薦薄暑
初殘政成時歡餘客散後園朱戶休闌度秋
風画闌枕水挂夜月離檻騎山錦帳籠香鬢釵
橫曲琵琶雙轉語綢繆勸行傍眉黃氣先報衣

衣還登庸際應褒舊德喜動天顏

哨遍

孔德彰作北山移文以譏周彦倫後之托隱求達指其南嶺少爲仕宦提徑者讀而羞之是足爲勇退者之鼓吹陽翟蔡侯原道恬於仕進其內呂夫人有林下風相與營歸歟之計而未果則囑予以此文度曲且朝夕使家童誦之亦可以見泉石之勝其詞曰

世有達人瀟灑出塵招隱青霄際終始追遊覽
老山栖藐千金輕脫如屣彼假容江臯濫巾雲
岳纓情好爵欺松桂觀向釋談空尋真講道巢

由何足相擬待詔書來起便騶馳席次早焚烈
芰荷衣敲朴誼誼牒訴忽忽抗顏自喜嗟明
月高霞石徑幽絕誰回睇空悵猿驚處淒涼孤
鶴嘹唳任別壑爭譏衆峰竦諄林慙澗媿移星
歲方浪柅神京騰裝魏闕徘徊經過留憩致草
堂靈怒蔣侯麾局岫幌驅煙勒新移忍丹崖碧
嶺重洋鳴湍聲斷幽谷逋客歸何計信知一逐
浮榮便衣素守身成俗士伯鸞家有孟光妻豈

逡巡眷戀名利

菩薩蠻

六軍闕罷犒
飲兵將官

中軍玉帳旌旗繞吳鈞錦帶明霜曉鐵馬去追
風弓聲驚塞鴻分兵閑細柳金字回飛奏犒
飲上恩濃燕然思勒功

御街行

賜衣
襖子

清霜飛入蓬萊殿別進雲裘軟却回宸慮念多
寒詔語日邊親遣冰蠶綿厚金鷄錦好永夜縫

宮線 紅旌絳旆迎星傳喜氣歡聲遠廟堂勲
舊使臺賢領袖坐中爭絢天香馥郁君恩歲歲
一醉春生面

鷓鴣天

百官
傳宣

舊霧紅雲捧建章鳴珂星使渡銀潢親將聖主
如絲語傳與陪都振鷺行 香裊裊珮鏘鏘昇
平歌筦趁飛觴明時玉帳恩相續清夜釣天夢

更長

蝶戀花

露桃煙杏逐年新回首東風跡已陳
項刻開花公莫愛四時俱好是長春

曲徑深叢枝裊裊暈粉揉綿破蕊烘清曉
十二番開寒最好此花不惜春歸早
青女飛來紅翠少特地芳菲絕豔驚衰草
只殢東風終甚了久長欲伴姮娥老

右長春花

無窮芳草度年華
尚有寒來幾種花
好在朱
朱兼白白一天飛雪映山茶

巧剪明霞成片片
欲笑還嚙金盞
依稀見拾翠
人寒妝易淺
濃香別注蜃膏點
竹雀喧喧煙
岫遠晚色溟濛六出花
飛遍此際一枝紅綠眩
画工誰寫銀屏面

右山茶花

雪裏園林玉作臺
侵寒錯認暗香迴
化工清

氣先誰得品格高奇是蠟梅

剪蠟成梅天著意黃色濃濃對萼勻裝綴百和
黑肌香旖旎仙裳應漬薔薇水雪徑相逢人
半醉手折低枝擁髻雲爭翠
簋撚枝無限思
玉真未洒梨花淚

右蠟梅花

千林鴈雪綴瑤瑰晴日南枝暎獨回知有和
羹尋鼎實未春先發看紅梅